

AKT THEMELIMI
DHE
STATUT
PËR KRIJIMIN SI PERSON JURIDIK TË SHOQËRISË
"Sapience AI" sh.p.k.

Sot më datë 18/07/2025 përpilohet ky statut nga ortaku themelues si vijon:

Shoqëria "DS Development Services sh.p.k"., shoqëri me përgjegjësi të kufizuar e regjistruar sipas ligjit nr.06/L-016 Për shoqëritë Tregtare në Kosovë, me adresë Rruga Zeki Shulemaja, nr.2, Prishtinë 1000, Kosovë, përfaqësuar nga përfaqësuesi i saj ligjor Z.Fation Losha,

i cili në përputhje me ligjin nr.9901, datë 14.04.2008 "*Për Tregtarët dhe Shoqëritë Tregtare*", krijon këtë shoqëri me përgjegjësi të kufizuar si vijon:

NENI 1

FORMA

Ortaku i mësipërm krijon këtë shoqëri me përgjegjësi të kufizuar në përputhje me legjislacionin në fuqi në Shqipëri dhe me dispozitat e këtij Statuti.

NENI 2

EMRI I SHOQËRISË

Emri i shoqërisë do të jetë "Sapience AI" sh.p.k.

NENI 3

SELIA E SHOQËRISË

Selia qendrore e shoqërisë do të jetë me adresë *Durana Tech Park, Rruga Ahmet Zogu, Nr. Pasurisë 336, Z.K. 3852, Njësia administrative Xhafzotaj, Bashkia Shijak. Kodi postar 2013, Durrës*. Shoqëria ka të drejtë që me vendim të ortakëve të shoqërisë mund të hapë degë, zyra, filiale ose përfaqësi të shoqërisë në qytete të tjera të Shqipërisë ose jashtë vendit.

NENI 4

KOHËZGJATJA

Shoqëria do të ketë kohëzgjatje të papërcaktuar. Si datë fillestare merret data e regjistrimit të saj në Qendrën Kombtare të Biznesit.



NENI 5

OBJEKTI I VEPRIMTARISË

Objekti i veprimtarisë së shoqërisë do të jetë *“Dizenjim software-i, Zhvillim dhe mirëmbajtje sistemesh software, Testim software, Dizenjim dhe zhvillim sistemesh të komunikimit, Dizenjim dhe zhvillim sistemesh të sigurisë, Zhvillim sistemesh migrimi, Përmirësim/upgrade sistemesh informatike, Operimi, menaxhimi, suporti i përdorimit dhe auditimi teknik/informatik për sistemet software”*.

NENI 6

KAPITALI THEMELTAR,

Kapitali themeltar i shoqërisë është i përbërë nga 1 (një) kuotë me vlerë totale 1.000 (njëmijë) lekë.

NENI 7

KONTRIBUTET

1. Ortaku themelues Shoqëria “DS Development Services” sh.p.k.-Kosovë, zotëron një kuotë të barabartë me 100% të kapitalit, me vlerë 1.000 lekë.

Kontributi i ortakëve mund të jetë në para dhe në natyrë *(pasuri të luajtshme apo të paluajtshme dhe të drejta të vlerësueshme në para)*.

NENI 8

NDARJA E FITIMIT

Fitimi i realizuar nga aktiviteti i shoqërise i takon ortakut themelues në masën e pjesëmarrjes në kapital, përkatësisht:

1. Ortaku Shoqëria DS Development Services sh.p.k.-Kosovë 100%;

NENI 9

TRANSFERIMI I PJESËVE TË KAPITALIT THEMELTAR

Kuotat e kapitalit të shoqërisë mund të transferohen me anë aktesh mes të gjallëve dhe me trashëgimi.

NENI 10

ASAMBLEJA E ORTAKEVE



Asambleja e ortakëve organizon, drejton dhe kontrollon gjithë aktivitetin e shoqërisë. Ortaku përballon humbjet e shoqërisë deri në kufirin e vlerës së kontributit të tij.

NENI 11

DREJTIMI I SHOQËRISË

Organi më i lartë drejtues i shoqërisë do të jetë asambleja e ortakëve. Asambleja e ortakëve mbledhet si rregull dy herë në vit, si dhe sa herë që gjykohet e arsyeshme.

NENI 12

KOMPETENCAT E ASAMBLESË SË ORTAKËVE

1.Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:

a)përcaktimin e politikave tregtare të shoqërisë;

b)ndryshimet e statutit;

c)emërimin dhe shkarkimin e administratorëve;

d)përcaktimin e shpërblimeve për personat e përmendur në shkronjën "c"

dh)mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;

e)miratimin e pasqyrave financiare vjetore dhe të raporteve të ecurisë së veprimtarisë;

f)zmadhimin dhe zvogëlimin e kapitalit;

g)pjesëtimin e kuotave dhe anulimin e tyre;

h)perfaqësimin e shoqërisë në gjykatë dhe në procedimet e tjera ndaj administratoreve;

i)riorganizimin dhe prishjen e shoqërisë;

j)miratimin e rregullave procedurale të mbledhjeve të asamblesë;

k)çështje të tjera të parashikuara nga ligji apo statuti.

2.Asambleja e përgjithshme merr vendime për çështjet e përcaktuara në shkronjat "e" dhe

"f" të pikës 1 të këtij neni, pas marrjes dhe shqyrtimit të dokumenteve përkatës.



NENI 13

ADMINISTRATORI

Shoqëria do të administrohet nga administratori Z.Fation Losha, lindur në Tiranë më datë 30/05/1989, banues në Tiranë dhe pajisur me mjet identifikimi me numër personal nr. I90530071J madhor e me zotësi të plotë juridike për të vepruar me afat 5 vite.

NENI 14

KOMPETENCAT E ADMINISTRATORIT

Administratori i shoqërisë emërohet nga asambleja e ortakëve dhe përgjigjet për zbatimin e vendimeve të asamblesë së ortakëve. Afati i emërimit në detyrë i administratorit do të jetë 5 vite. Administratori ka këto kompetenca :

- a) Të kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) Të përpilojë dhe nënshkruajë kontratat dhe aktet juridike që kanë të bëjnë me veprimtarinë e shoqërisë.
- c) Të hapi llogari rrjedhëse bankare pranë bankave shqiptare ose të huaja.
- d) Të përfaqësojë shoqërinë në marrëdhënie me të tretët.
- e) Të përfaqësojë shoqërinë tregtare;
- f) Të kujdeset për mbajtjen e saktë e të rregullt të dokumenteve dhe të librave kontabël të shoqërisë;
- g) Të përgatisë dhe nënshkruajë bilancin vjetor, bilancin e konsoliduar dhe raportin e ecures së veprimtarisë dhe së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- h) Të kryejë regjistrimet dhe dergojë të dhënat e detyrueshme të shoqërisë, sic parashikohet në ligjin për Qendrën Kombëtare të Regjistrimit;
- i) Të raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posacme me rëndësi të vecantë për veprimtarinë e shoqërisë tregtare;



j) Të bëjë gjithcka tjetër që konsideron të dobishme dhe që është në përputhje me formën e këtij Statuti e Akti Themelues si dhe me legjislacionin shqiptar në fuqi, për të arritur qëllimin dhe objektin e shoqërisë.

NENI 15

LIBRAT E LLOGARISË

Shoqëria është e detyruar të mbajë përvec dokumentacionit kontabël që kërkon legjislacioni në fuqi edhe keto libra:

- 1- Libri i ortakëve, në të cilin shënohen emrat e plotë të ortakëve dhe kuotat që secili ka në kapitalin e themelimit.
- 2- Libri i mbledhjeve dhe i vendimeve të asamblesë.
- 3- Libri i mbledhjeve dhe i vendimeve të administratorit.
- 4- Libri i mbledhjeve dhe i vendimeve të organit sindikal.

NENI 16

VITI FINANCIAR

Cdo vit financiar fillon më 1 Janar dhe mbaron më 31 Dhjetor. Përgjashtimisht viti i parë financiar mund të fillojë pas regjistrimit të shoqërisë si person juridik dhe do të përfundojë më 31 Dhjetor 2025.

NENI 17

FITIMI

Fitimet neto të shoqërisë do të konsiderohen fitimet që rezultojnë pas zbritjes nga të ardhurat e të gjitha shpenzimeve që kanë lidhje me aktivitetin tregtar të shoqërisë, detyrimet fiskale, sigurimet shoqërore, dëmet, amortizimet, etj. në përputhje me legjislacionin shqiptar.

NENI 18

PRISHJA E SHOQËRISË SHPËRNDARJA DHE LIKUJDIMI

1. Shoqëria priset me kalimin e afatit të caktuar në statut dhe për arsye të parashikuara në ligj. Shoqëria priset përpara afatit me vendim të asamblesë së ortakëve.



2. Rastet e pavlefshmërisë së shoqërisë ose të një akti që ndryshon statutin si dhe bashkimi dhe ndarja e shoqërisë bëhet në përputhje me dispozitat e ligjit.
3. Kur shoqëria prishet, ajo kalon në likuidim dhe në këtë rast emërtimit të shoqërisë i shtohet shënimi "*Shoqëri në likuidim e siper*". Shoqëria edhe gjatë procesit të likuidimit vazhdon si person juridik deri në përfundimin e procesit të likuidimit. Prishja e shoqërisë është me pasojë ndaj të tretëve vetëm pas publikimit të prishjes në regjistrin tregtar.
4. Kur shoqëria likujdohet, pasuritë që janë venë në dispozicion të shoqërisë me të drejtë shfrytëzimi, u kthehen pronarëve.

Mjetet financiare të fituara si rezultat i veprimtarisë së shoqërisë dhe fondet fillestare ndahen ndërmjet ortakëve në përpjestim me kuotat e vëna pasi të jenë likjuar kreditorët.

NENI 19

DISPOZITA TË FUNDIT

Shoqëria ka të drejtë të punësojë punonjës që i nevojiten për të ushtruar veprimtarinë e saj. Punësimi bëhet sipas kushteve të përcaktuara në legjislacionin e punës së Republikës së Shqipërisë, si dhe rregullave të vëna në kontratën e vecantë të punësimit që lidhet midis punëdhënësit e punëmarrësit.

Të gjitha problemet që do të lindin gjatë ushtrimit të veprimtarisë tregtare të kësaj shoqërie do të zgjidhen sipas rregullave të përcaktuara në statut dhe në legjislacionin në fuqi në Republikën e Shqipërisë.

Kur mosmarrëveshjet nuk zgjidhen me mirëkuptim, kompetente për zgjidhjen e tyre është Gjykata e shkallës së parë Tiranë.

NENI 20

Ky statut firmoset me vullnetin e lire të ortakëve themelues.

ORTAKU THEMELUES

Personi juridik

DS Development Services sh.p.k.-Kosovë

Përfaqësuar nga përfaqësuesi ligjor

Fation Losha

